

108 年全國語文競賽客家語朗讀文章國小組（饒平腔）

編號 01 號

【竹雞仔】羅紫云原作

臺灣个鳥仔有當多種，大部分都會飛，其中有一種無幾大隻，頭那細細、紅霞紅霞當像雞仔个頭那，背囊、翼胛係條紋豬肝色，肚底像魚鱗白慙白慙，兩片側賺係一種淺咖啡色條紋，著个衫老實排場盡古典，講該係保護色一點乜毋會錯，當古董佢毋會飛、淨會走、會唱歌，所以無摻佢安到「竹鳥仔」，嗶摻佢安到「竹雞仔」係毋係盡有意思呢？

客家童謠大師馮輝岳先生，有一首童謠恁樣寫：「咕咯乖¹，咕咯乖，無米正來孩。」聽起來當有人情味！這鳥仔當團結、感情當好、有家族觀念，見出門就歸家人非常細義行共下，還行共條路線，路行到光滑光滑，知總个人儘採就捉得著幾下隻。毋過佢當驚畏羞、無膽，聽著一點點人聲，就會驚到尾瀉屎，當遽就瀉走去，鑽落草蓬肚咧！連魂影就無睜著。

「竹雞仔」天生好聲頰，兩片山隔一條溪壩，這山唱該山和，這片喊該片應，嘴碼好又流掠完全毋使放送頭，連連續續盡命牯嘶，聲頰乜毋會爍忒，就像客家人个山歌對唱，還妙哪？盡

可惜佢毋會飛，毋會作靚靚个竇，就隨便樹頭下个樹葉堆就生卵孵子，總係愛等有良心个蛇哥、老鼠食伸个，正係佢个子孫，睜破咧正喊「知到底」、「知到底」，互相勉勵。「竹雞仔」係唯一會唱山歌抑會講客家話个鳥仔，敢係摻客家人戴較俚，山歌聽多个關係？

佢這下戴个位所係社區，社區就係歸排販仔屋，麼个人都有，當然會有原住民，佢兜會捉「竹雞仔」轉來畜，一天光抑係臨暗仔，無斯落雨過後，不時聽著佢當鬧熱个嘍聲，大嫲牯聲放勢喊——「知到底」、「知到底」，緊喊緊遽，又鬧棚又合線，喊到最尾還會講「四隻一盤」、「四隻一盤」，摻人講佢恁細隻，愛有四隻正做得炒一盤，實在還有趣味，毋過聽起來當衰過、悲傷、悽慘，因為佢永久乜尋毋著佢个屋下人咧。

「竹雞仔」係一路中藥材，做得補中益氣，愛放薑嫲絲，不過佢認為毋好食佢有較好。戴都市个人係愛拜訪「竹雞仔」，到臨暗時節做得去山脣，偷偷拜訪就好，千萬莫嚇著得人惜个「竹雞仔」。

¹ 咕咯乖：音 gid` go` guai`；竹雞的叫聲。

【粽仔个味緒】張美容原作

僇俚客人，一年裡肚斯五月節摻七月半正包粽仔，僇從細斯好食糯米氣，所以，當期待這食粽仔个節日。毋過三、四年來，僇姆毋會包粽仔咧，節日言得時到，僇就滿哪去尋，睺哪位有阿姆味緒个粽仔好買，尋去尋轉，總試著逐位賣个粽仔食起來斯無阿姆包个恁香恁好食。想真還係愛怪自家，仰般斯知好食，毋知好摻阿姆个手路學起來！

僇姆降有六個細人仔，在頭擺無恁豐湧个時代，節日言到，隻隻斯念等愛食粄咧，僇姆惜子，為著滿足細人仔，麼个粄就會打。記得包粽仔過節該下，雖然天時熱，佢還係毋驚麻煩，粄粽、米粽、煨粽項項包。該時个細人仔也好供¹，麼个食落一肚。到僇兜較大兜，就開始嫌粄粽、煨粽無恁好食，長透愛僇姆鬥當正刻耐仔食兜，慢慢仔僇姆斯伸包米粽定定。

有一擺，僇姆聽人講，粽仔裡肚擡落²焯³過个豆腐乾摻切角个綠竹筍較好食，佢也踅等做。無想著加這兩項東西落去，粽仔嘎

毋耐放，當遽就牽絲壞忒咧，過後佢就盡少用咧。又有一擺，佢毋知哪聽來，講粽仔裡背包蚵乾味道加盡好，佢又踅等做，這擺係精食个佢爸開嘴咧，佢額結結講：「擡蚵乾落去，歸隻粽仔變恁臭臊，尤其冷忒食還較得人驚！」斯恁樣，包蚵乾个粽仔就無再過出現咧。過後，僇屋下个粽仔本本係米炒香，裡背包菜脯、豬肉、香菇，單單純純，大家最慣个口味。

僇爸好食甜，下把仔會唸：「恁熱个天，係有冰冷冷个煨粽來食，無知幾好哪！」因為細人仔毋食，僇姆就無願頭⁴包咧。有一日，僇在市場睺著有人賣裡背包紅豆餛⁵个煨粽，想這毋使另外去買白糖來搵，當自然⁶食，就暢靈靈⁷買一擡轉去，無想著僇爸一落嘴斯講：「還係僇俚傳統个煨粽較好食。」斯像僇頭擺買煮燒酒雞个漢藥包轉去分佢煮雞酒樣，佢乜一食就講：「還係僇俚客人單淨用雞肉煮酒較好食，毋使恁多哈哈霸霸⁸。」

經過恁多擺經驗，分僇最大个感想就係：麼个東西加忒多花草草未必然就係好。人生乜共樣，總愛熱天時有涼風好吹，春天時有百花好睺；秋天時有明亮个月光，寒天時有燒暖个冬陽，就恁樣簡簡單單，就係好、就係幸福！

¹ 當好供：音 dong` ho` giung`；很好養。

² 擡落：音 ed` log；放入。

³ 焯：音 biag`；乾煎。

⁴ 願頭：音 ngien`/ngien` teu；意願。

⁵ 紅豆餛：音 fung teu` a`；紅豆做成的餡。

⁶ 自然：音 cii` rhian；輕鬆。

⁷ 暢靈靈：音 tiong` lag lag；很高興。

⁸ 哈哈霸霸：音 ha ha ba` ba`；噱頭。

【童年該頭樣仔樹】邱坤玉原作

「移民屏東」已經四十零年咧，但係對故鄉美濃个思念從來毋識停過。離開故鄉恁久，若係問佢最毋會毋記得个係麼个？佢會笑講：「最懷念个童年——係該頭樣仔樹！」

逐年到樣仔黃个時節，會想著還細共下變鬼變怪个同學，想著頭擺狡怪个樣仔，忍毋核都會嘴角翹起來偷噓！

當晝食飽飯就放學咧，透當晝日頭又大又烈，歸陣同學半行半走愛拚轉屋下去，該歸路無樹影好抵，路頂个石頭又像火炭樣，大家打赤腳分燒爇爇个石頭爇到喊毋敢，無就遽遽走到樣仔樹下園¹日頭！

實在講係無兩個天氣翕燒又燥絲，顛倒樣仔樹个樣仔打到結結，有兜像拳頭嫵恁大粒，有兜像鵝卵樣尖尖圓圓，睭起來盡生盡好食个樣仔。

「兄弟，你會歎嘍嘍無？」

「會呀，愛做麼个？」

「佢兜爬上來去摘樣仔，你在樹下掌等！係有人來你就歎嘍嘍做暗號！好無？」

「你歎一遍分佢聽！」

佢斯試著盡心色、又緊張，毋過心肝肚嶄然驚！就負責揸等六加一隻書包，跔在樣仔樹下動都毋敢動。該樣仔樹頭像佢个腰

仔恁大、像天恁高，無幾久同學像山猴樣全部都爬上去咧。佢目珠愛睭前顧後、耳空愛聽四面八方、手還愛接等天頂嘍嘍剝剝擲下來个樣仔，實在盡無閒！

「噢！你這隻老牛牯，仰般呀？透當晝懶尸……毋想做田事咩！」

「發脹咧！該有人愛來做田事咧……遽遽……遽遽……遽遽歎嘍嘍……」

盲知呀，一緊張嘎「歎風」！嘍嘍仰歎就歎毋出聲！

愛仰般正好？遽遽走、先走正得！高不將摺該六隻重鈹鈹个書包，還有摳²等歸褲袋个樣仔揸淨淨，走到踉踉蹉蹉歸身答溼，打赤腳走緊跳緊走，也毋記得路頂个石頭會爇人咧！

第二晨早升旗典禮，睭著司令臺頂放等一堆樣仔，還有六隻書包……訓導主任用麥古開聲罵，係哪儕去偷摘樣仔个全部出來，佢睭等六個同學全部走到司令臺，佢也驚到緊顛、緊想緊思量，該佢兜全係分佢害个，將就共下出來去自首！

訓導主任講，該伯公下个樣仔係愛分大家食个，毋過盲黃哪食得？還有……你兜毋驚跌著喙？透當晝去摘到一地泥都係，有兜撞³到一空一空實在還打爽！

就恁樣，該下晝佢兜七個細猴分先生帶到伯公頭前罰企，摺伯公咒誓毋敢再爬樣仔樹咧！

恁久轉故鄉，佢特別去到該頭樣仔樹下，摺伯公講：「伯公愛感謝你！佢也做阿公哩啲，感謝你个保佑，佢兜大家都平安！」

¹ 園：音 kong⁴；躲藏。例：南部講「屏起來」（躲起來）北部講「園起來」。

² 摳：音 lu；把東西抱持起來。

³ 撞：音 dung；戳一個洞。

108 年全國語文競賽客家語朗讀文章國小組（饒平腔）

編號 04 號

【老屋个回憶】范玉桂原作

老屋有佢童年个回憶，有佢這下想起來就還會暢到笑个故事。

「一、二、三、……，園好吉！」，「園好咧！」，這係佢兜最好爽，乜係最輒爽个遊戲，就在這闊闊个大禾埕，雞埕脣該頭梧桐樹身就係做鬼儕个堡壘，伏等樹身算一、二、三，等到佢算好勢後，其他个爽伴仔早就滿哪走去園咧，雞埕下、花樹背、稗棚肚、灶下、廳下裡肚个神桌下，全做得園。

闊闊个大禾埕在農忙時節，滿坪个禾穀，粒粒都金黃飽滿，恬恬睡在該炙日頭。閒時就係佢兜个遊樂場，園人尋、打極樂仔、踢銅笏、跳索仔、份家啦，無一樣少忒過。等到食夜過就乜係全家人集合寮涼、打嘴鼓个好地方，阿公个弦仔聲、阿嬤个山歌響、阿爸講古打冇詵、阿媽閒談摺佢這兜細孺个笑聲全部在這。

除忒禾埕見擺做得分佢兜爽到毋記得之外，還一隻所在乜係一爽就一晝邊，定著愛等到阿媽緊喊正會出空，該就係阿媽个間房，大大槓个衫櫥肚有阿媽靚靚个洋裝、兩幅裙，阿爸過年、食

酒正有著个西裝、洋服褲，還有梳妝臺頂个面油、胭脂花粉，全都係佢摺阿姊兩姊妹變裝大賽个好道具，腳底个高睜鞋矻矻推推，正經像大人樣。

毋過，這下無好再過爽咧，爽園人尋个笑聲、踢銅笏个磬咩聲，還有阿公挨弦仔、阿嬤唱山歌个聲，既經無再過聽著咧，該頭企到壁燈个梧桐樹斬忒咧，連樹頭都剷忒咧，變成種菜个菜園，雞埕變做放肥料、鑊頭个寮仔，大禾埕起咧一間樓仔屋，阿媽个間房連等廳下、灶下，做下拆淨淨伸著一片淨有一扇壁个荒地，佢這兜乜各各成人長大出外食頭路，樓屋伸有阿媽一儕戴在該，對鬧熱煎煎个伙房屋隨等佢兜个成長變成了恬索索、清幽幽个樓屋。

老屋有佢童年个回憶，有佢這下想起來就還會暢到偷笑个故事，行在這一片荒地肚，還異像睜得著佢摺阿姊兩儕著到靚靚、面頰卵膏著紅紅在該行臺步；行在這一片荒地肚，還異像聽得著佢兜喊：「園好咧！」過咭咭滾个笑聲，老屋隨等佢兜成人長大變到心肝肚最深最深个記憶。

108 年全國語文競賽客家語朗讀文章國小組（饒平腔）

編號 05 號

【學騎車】李雪菱原作

講著騎自行車，係佢最好个啦，隨時都騎等車仔跟上跟下，下課轉到屋下，書包一揸¹，就去尋車仔來騎。係無，心情就鬱鬱卒卒，做麼个都懶蛎蛎²。

有一日天時盡好，佢心肝肚歡歡喜喜跔等阿姆去運動公園，緊騎車就山歌溜天緊唱歌，路上睺著兩子爺，阿爸當當教俾仔學騎車，大汗潑小汗扶等自行車緊走，還大聲緊喊：「佢愛放手囉！佢愛放手囉！」實在哪有放手呢！

這分佢想起頭擺學騎車个時節，該量時阿公身體還當健，毋知哪條腸仔直咧，講愛教佢學騎車，摺後斗个輔助輪仔剝忒，喊佢騎上去。阿姆哀啲！佢噉噉滾盡噉，頭磬磬³睺等腳踏仔愛箭佢，車頭嘎癩癩倒倒⁴毋知愛幹去哪？驚到面瀝青⁵，阿公在後尾緊喊：「睺頭前，睺頭前，佢捉等後盤，你慢慢騎就做得。」就恁樣，像連續劇樣，橫著過跋跔起來再騎，一頭噉一頭騎，阿公淨

¹ 揸：音 fid；丟。

² 懶蛎蛎：音 nan` guai` guai`；意興闌珊。

³ 頭磬磬：音 teu cin` cin`；低頭的樣子。

⁴ 癩癩倒倒：音 dien` dien` do` do`；醉醺醺的，喻騎不穩的樣子。

⁵ 面瀝青：音 mien` lag ciang`；因恐懼而臉色發白。

會摺佢衫褲撥撥仔，睺有鑪著無？睺有出血無？過繼續向前騎，害佢噉到目汁濫泔⁶盡衰過喔！

經過一晨早个特別訓練，像海軍陸戰隊个蛙人恁艱苦，總算學會咧。還騎去展分阿嬪睺，害阿嬪嚇著一下，目珠擘到大大粒。又過沙鼻碌天⁷騎去分隔壁鄰舍个細人睺，展風神。毋過阿公手軟腳犁⁸，坐在地泥下氣凹凹⁹緊啟大氣，頭先喊佢个氣力毋知哪去咧？

轉到屋下阿公摺佢講：頭擺愛學騎車無恁簡單，愛去摺人租，半點鐘五個銀，歸屋下个細人仔共下學，大个扶細个輪流騎，下把無細義橫到烏青漬血，噉到嘴扁扁毋敢聲，大人儕無閒泊杈¹⁰也法度插，總講細人仔天生天養，橫到大噉到大，就自自然然學會咧。

到這下見睺著人學騎車，當像睺著阿公扶等自行車後盤个手，分佢安安心心，總感覺著無離開過，到今還燒燒暖暖在佢个心肝肚。

⁶ 目汁濫泔：音 mug` zhib` lam gam`；淚流滿面。

⁷ 沙鼻碌天：音 sa` pi` lug` tien`；洋洋得意。

⁸ 手軟腳犁：音 shiu` ngien` giog` le；形容疲累異常。

⁹ 氣凹凹：音 hi` ngiab` ngiab`；氣喘吁吁的。

¹⁰ 無閒泊杈：音 mo han ci` ca`；形容忙得不可開交。

【頭份四月八】羅雅鈴原作

舊曆四月八號係苗栗頭份人个大節日。

這一日原本係如來佛祖个生日，毋過在頭份嘅變做「媽祖迎神賽會」。

佢姆个外家在頭份个街路頭，逐年到該量時，姐公就會辦桌請人，邀請親戚朋友來屋下，飯菜係姐嬭摻舅姆共下料理个。

佢摻表兄弟姊妹到臨暗五點，會共下在頭份中山路等媽祖娘神轎經過，在等个同時，佢會緊睺旁脣个攤仔，望等暗晡夜食飽後，愛摻表兄弟姊妹共下來遶夜市，爽圓子、丟圈仔、還有撈魚仔。

過一下，聽著乒乒砰砰銅鑼聲後，會睺著七爺八爺摻八家將該兜神將渡路，大宮細廟供奉个神明也會共下來出巡，有兜細人仔睺著，會因為神將个氣勢摻面貌驚到囡起來，有兜係揪等大人个手毋敢睺。一聽著紙炮聲響起，就係媽祖娘神轎愛來咧，會睺到當多个後生壯丁，拉神轎來回走，有人走到氣縹縹¹，有人走到面紅濟炸，十分拚勢！

¹ 氣縹縹：音 hi` miao` miao`；上氣不接下氣。

睺忒神明出巡後，表兄弟姊妹摻佢會共下手拉等手轉姐公屋下，享受噴香个飯菜，毋過逐擺飯都無划幾口，就會有年紀較細个表老弟、表老妹忍到等毋掣，緊拉大人講愛去遶夜市，較聰明个表哥摻表姊就會在食夜前，先摻大人錢提好，放在褲袋，笑咪咪聽話摻碗肚个飯菜食淨淨，暗中偷笑睺，等加下哪儕會先食忒，第一個走到夜市尋味。細人仔食飽後，正經就無蹤無跡，灶下肚就伸食酒打嘴鼓个大人。

細人仔該下去夜市，佢最愛爽撈魚仔，毋過逐擺網仔還旨撈到魚仔就爛忒咧，就目擘擘²睺其他人个盆肚有當多个細魚仔，非常个欽羨。有一年，惜佢个表哥摻佢共下來撈魚仔，佢睺佢撈毋著魚仔，轉頭睺頭家無注意，偷偷將佢个盆仔向水肚撈，斷真盆肚就多一尾魚仔，佢笑哈哈講：「表哥，你真厲害！直接用盆仔撈喔！」表哥直接跔到佢耳空脣講「噓！分頭家聽到就慘咧！」當時佢人細志氣高，毋領表哥个情面，摻表哥講：「這尾魚仔佢無愛！」直接將魚仔漕忒，表哥闕到嘴嘟嘟，後來連買來个冰就毋分一口佢食！

這幾年，細人一個個大咧，有兜到外地讀書打拚，有兜因為頭路無閒泊杈，這下个四月八毋像細人仔个時節，大家做得共下遶夜市！在佢心中，一定毋會毋記得這一日，因為這係佢童年記憶中最重要个一部份。

² 目擘擘：音 mug` bag` bag`；眼巴巴看著，眼神帶有失望。

【食褒个阿不倒】楊世玲原作

佢屋下有兩個細人仔，佢從溜就分屋下人喊做「阿不倒¹」，怕係因為阿哥大佢異多，還細時，歸家人睺佢肥卒卒、腳又短短、著等像人公仔著个花啦衫，親像細孬²爽个阿不倒。阿哥去花蓮讀書會四年咧，逐擺都愛等到有放寮，抑係拜六、禮拜正會轉來，一到門脣就會喊「阿不倒、阿不倒」。

記得佢畀讀書該下，阿爸、阿媽出門去上班，屋下肚就伸著阿公、阿媽攞佢三儕定定。佢從細就係阿公、阿媽个心肝寶，阿媽講佢還畀當會行路該下，阿公、阿媽對外背轉來，佢就會踩啊踩仔擎等拖鞋分佢兩儕換，阿公、阿媽見擺就會阿謔佢：「還慶、還乖、還得人惜喔！」該量時佢就會尾蹠蹠³，暢到挨挨轉。跔等，佢緊大，就緊學會還較多賺褒个好本等，分阿公做走腳板⁴，係佢最好个戲齣，因為毋單淨阿公會阿謔佢恁乖，買東西找轉來个錢，阿公還會賞分佢飼豬公，阿媽講佢「屙屎並挖芋仔，還

精哦！」總講一句，佢就係大人講个該種「當食褒」个細人仔！

這下，阿不倒三年生咧，還係共樣恁好攞大人搵手，毋過原因攞頭擺無麼个恁共樣哩啲！雖然本本還係當好分大人褒獎，毋過，睺著阿哥見擺對花蓮轉到屋下來，總會舞兜事來做，佢毋係尋傢啦伙來整毋會著个電火，無就換會洩水个水管，還會攞阿爸搵洗車，舊年避暑放寮還攞廳下並阿公阿媽、阿爸阿媽个間房總下油漆到亮亮⁵……，阿哥講：「佢兜緊來緊大，阿爸阿媽个頭路又緊來緊無閒，阿公阿媽乜緊來緊老咧！佢兜應當愛搵做兜屋下个事，阿爸阿媽正毋會昶⁶恁！」佢試著阿哥講个盡有道理，雖然佢還毋曉得整電火、整水管、洗車，毋過佢這下當會添飯、食飽撿掣、洗碗、掙地泥這兜較輕可个細項事頭……，還有，佢最好逐日食飽夜，臉身洗阿忒，去到阿公阿媽靚靚、亮亮个間肚，三儕共下打棋子，佢攞阿媽共國，阿公毋識一擺贏。睡前佢還會攞兩個老人家捉龍，阿媽皮冗冗⁷，愛輕手兜，阿公骨頭當硬，愛較大力息，捉好，佢兜會像頭擺共樣，緊阿謔佢「還慶、還乖、還得人惜喔！」。

¹ 阿不倒：音 aˋ bud doˋ；不倒翁，小朋友的玩具，也可用來稱癡傻的人。

² 細孬：音 seˋ o；小孩子的意思。

³ 尾蹠蹠：音 muiˋ diaˋ diaˋ；形容開心、歡喜的樣子。

⁴ 走腳板：音 zeuˋ giog banˋ；跑腿的小廝傭人。

⁵ 亮亮：音 langˋ langˋ；形容乾淨、美麗、明亮的樣子。

⁶ 昶：音 tiongˋ；太……。

⁷ 冗冗：音 ngiungˋ ngiungˋ；寬鬆、不緊實的樣子。

108 年全國語文競賽客家語朗讀文章國小組（饒平腔）

編號 08 號

【打極樂仔】黃家馨原作

頭擺，佢最惱落雨天，見睭到天時轉烏陰，阿姆就會喊佢摺衫褲收落屋肚，又吩咐佢續手摺摺仔。當好出去爽个佢，斯像分天公爺關到屋肚共樣，當毋甘願摺衫褲儘採拗一下，闕梓梓睭等窗門外背落無停个雨，阿爸睭佢嘴嘟鼻翹，問佢：「你在該闕麼个？睭你个嘴脣皮做得懸三斤豬肉囉！」佢摺阿爸講：「天公正式摺佢做對頭，昨晡日先生愛考佢兜走八百公尺，佢緊拜託佢落大雨，結果一滴雨斯無，還出大日頭，害佢熱到險橫忒；今晡日係拜六，佢想愛去爽球，佢嘎瀉大雨，佢正式會分佢闕死！」

阿爸行落間肚，提出幾隻極樂仔，隨手摺極樂仔儘採纏一下，在廳下輕輕拂啊出，一隻、兩隻、三隻，逐隻斯挨當較，佢睭到當入文，目盯盯、嘴擘擘毋敢啟氣。過一下，阿爸又提三條幼線一頭縳在凳頂，一頭用手拉纏，摺地泥下纏好線頭个極樂仔，一隻一隻擲到幼線頂，三隻極樂仔斯像在該走追仔，各儕一條線，完全無交雜，佢暢到無結煞，緊拜託阿爸教佢。

有心打石石成磚，無心打井井無泉，佢認真跔阿爸學幾擺，斯曉爽咧！佢用左手提等極樂仔，摺線頭放上去，左手手指公揪

等線頭，用正手開始纏線仔，頭兩圈定著愛擲纏，續下來纏等轉，纏到伸三股一个時節斯做得咧，換正手尾指纏兩輪，用正手提好極樂仔，左腳踏頭前，正腳在後背，正手頭前後背晃幾下，睭準目標，正手到頭前个時節出力擲啊出，極樂仔斯開始挨挨轉咧！

打極樂仔个時節，睭等極樂仔挨挨轉，成時會打斜，佢兜會用索仔在旁脣憑一下，極樂仔黏時斯變正咧；成時縳一條幼線，分極樂仔從這頭行到該頭，像教極樂仔行路樣，正經當心色！阿爸講：「人生七係恁樣，愛行自家正確个路，毋罅力个時節，用索仔在旁脣督一下，極樂仔斯會挨較較；打斜抑係行歪个時節，用索仔教極樂仔變正，像阿爸長透教你做人个道理共樣。」

這下，隨在佢天公幾時愛發風落雨，幾時愛出日頭，佢七無相干咧！佢顛倒愛承蒙天公爺落大雨，分阿爸毋斯出門做事，做得摺佢做伴，一頭打嘴鼓、一頭爽極樂仔，正式當心色！人生像極樂仔共樣，緊挨緊挨，各人行自家个路，承蒙爺哀、先生摺朋友，輒常在旁脣督醒佢，牽成佢，有佢兜个用心指導摺鼓勵，佢正有信心去打拚，正毋會行差路！